

孔子

论语十则

(一) 子曰：学而时习之，不亦说乎？有朋自远方来，不亦乐乎？人不知而不愠，不亦君子乎？

(二) 曾子曰：吾日三省吾身：为人谋而不忠乎？与朋友交而不信乎？传不习乎？

(三) 子曰：温故而知新，可以为师矣。

(四) 子曰：由，诲女知之乎！知之为知之，不知为不知，是知也。

(五) 子曰：三人行，必有我师焉。择其善者而从之，其不善者而改之。

(六) 子曰：“君子食无求饱，居无求安，敏于事而慎于言，就有道而正焉，可谓好学也已。”

(七) 子曰：不患人之不己知，患不知人也。子曰：不患人之不己知，患其不能也。

(八) 吾十有五而志于学，三十而立，四十而不惑，五十而知天命，六十而耳顺，七十而从心所欲，不逾矩。

(九) 宰予昼寝，子曰：朽木不可雕也，粪土之墙不可圻也！于予与何诛？子曰：始吾于人也，听其言而信其行；今吾于人也，听其言而观其行。于予与改是。

(十) 颜渊、季路侍。子曰：“盍各言尔志。”子路曰：“愿车马，衣轻裘，与朋友共，敝之而无憾。”颜渊曰：“愿无伐善，无施劳。”子路曰：“愿闻子之志。”子曰：“老者安之，朋友信之，少者怀之。”